


**Ni Presidente  
Henry B. Eyring**  
Umuna a Mammagbaga iti  
Umuna a Panguluen



# Dagiti Napudno a Gagayyem

**M**aysa kadagiti naindaklan a pangpadayaw a mabalin nga ited ti Mangisalakan ket ti panangawagna kadatayo a “gagayyem.” Ammota-yo nga ay-ayatenna iti naan-anay nga ayat ti amin nga annak ti Nailangitan nga Amana. Ngem para kadagiti napudno iti panagserbi Kenkuana, inlatangna daytoy naisangsangayan a pangawag. Malagipyo dagiti balikas manipud iti maika-84 a benneg ti Doktrina ken Katulagan: “Ket kunak manen kadakayo, gagayyemko, ta manipud ita awagankayon iti gagayyem, nasken unay nga itedko kadakayo daytoy a bilin, tapno agbalinkayo a kas kadagiti gagayyemko kadagidi aldaw a kaaddak kadakuada, nga agdaldaliasat a mangikasaba iti ebanghelio babaen ti bilegko” (DkK 84:77).

Agbalintayo a gagayyemna bayat ti panagserbitayo kadagiti dadduma nga agpaay Kenkuana. Isu ti naan-anay a pagwadan ti kita ti gayyem a nasken a pagbalinantayo. Tarigagayanna laeng ti pagsayaatan dagiti annak ti Nailangitan nga Amana. Ragsakna ti ragsakda. Mariknana mismo ti lidayda gapu ta Isu ti nagikaro iti amin a basbasolda, nga inawatna iti Bagina ti amin a saksakitenda, imbaklayna ti amin a parikutda, ken nariknana ti amin a panaggagarda. Nadalus dagiti gagemna. Saan nga agkalikagum iti pammigbig para iti Bagina ngem tapno mangted iti amin a dayag iti Nailangitan

nga Amana. Ti perpekto a gayyem, ni Jesucristo, ket naan-anay a di managimbubukod iti panangiruknoyna iti ragsak kadagiti dadduma.

Tunggal maysa kadatayo a nakaaramiden iti katulagan iti panagbuniag ket nagkaritayo a sumurot iti pagwadanna a makipagbaklay iti imet ti tunggal maysa a kas Kenkuana (kitaen iti Mosiah 18:8).

Kadagiti sumaruno a sumagmamano nga aldaw maaddaankayonto iti adu a gundaway nga agbalin a maysa a gayyem Kenkuana. Mabalin a bayat ti pannagnayo iti natapok a dalan. Mabalin a bayat ti panagtugawyo iti lugan nga adda iti riles ti kalsada. Mabalin a bayat ti panagsapulyo iti maysa a lugar a pagtugawan iti kongregasion ti Simbaan. No agsipsiputkayo, makitayonto ti maysa a tao a mangibakbaklay iti nadagsen nga imet. Mabalin a maysa daytoy a dagensen ti liday wenno ladingit wenno sakit ti nakem. Mabalin a madlawyo laeng no nagkararagkayo tapno ikkannakayo ti Espiritu kadagiti mata a kumita iti puspuso ken nagkarikayo a mangitag-ay kadagiti ima a naidasay.

Ti sungbat iti kararagyo ket mabalin a rupa ti maysa a nabayagen a gayyem, maysa a diyo pay nakitkita iti uneg ti adu a tawen ngem kellaat a simken iti panunot ken pusoyo dagiti kasapulanna ket nariknayo a kasla dakayo mismo ti agkasapulan. Napasamaken dayta

kaniak. Tinulongandak dagiti nabayagen a gagayyem a naggapu iti ballasiw taaw ken iti adu a tawen a nangtedda iti pammaregta idi a ti Dios laeng ti makaibaga kadakuada maipapan iti dagensenko.

Indawat kadatayo dagiti sibibiag a propeta ti Dios nga agbalintayo a napudno a gagayyem kadagiti umamay iti Simbaan kas napasurot ken ispalentayo dagiti saan unay nga aktibo nga umad-adayon a miembro (ti Simbaan). Maaramidntayo daytoy, ket aramidntayonto daytoy no kanayon a laglagipentayo ti Mangisalaklan. No dumanontayo a mangted iti tulong ken mangibaklay iti maysa nga imet, Isu ket danonennatayo. Iturongnatayonto kadagiti agkasapulan. Bendisionanntayonto a mangrikna iti marikriknada. No naganetgettayo kadagiti aramidntayo nga agserbi kadakuada, ad-adda met a maikkantayo iti sagut a makarikna iti ayatna para kadakuada. Daytanta ti mangted kadatayo iti tured ken pigsa a tumulong manen ken manen iti kinapudno.

Ken, iti kanito ken iti agnanayon, mariknatayonto ti ragsak ti pannakapasangbay iti ragup dagiti napupudno a gagayyemna. Ikararagak dayta a bendision para iti amin kadatayo ken para kadagiti pagserbiantayonto.

## PANANGISURO MANIPUD ITI DAYTOY A MENSAHE

**A**d-adda a makiraman a napnuan pateg dagiti miembro ti pamilia no maidawat kadakuada a mangbirok iti maysa a banag bayat ti panagsapulda kadagiti nasantuan a kasuratan ken dagiti balikas dagiti propeta (kitaen iti *Teaching, No Greater Call* [1999], 55). Bayat ti panangbasam iti artikulo, kiddawem kadagiti miembro ti pamilia a lasinenda dagiti pagbatayan weno prinsipio a mangtulongo kadakuada nga agbalin a maikari tapno maawaganda nga agbalin a gayyem ti Apo.

Dakamaten ti *Teaching, No Greater Call*: “No ad-daankayo iti ayat a kas ken ni Cristo, nasaysayaat a nakasaganakayonto a mangisuro iti ebanghelio. Maparegtakanto a mangtulong kadagiti dadduma a mangam-ammo iti Mangisalaklan ken sumurot Kenkuana” (12). Lasinem manipud iti artikulo dagiti pagbatayan weno prinsipio a makatulong kenka nga agbalin a nasaysayaat a home teacher. Ilawlawagmo dagitoy iti kaduam, ket sikakararag nga utobenyo no kasano ti agbalin a “napudno a gagayyem” kadagiti pagserbianyo.

## AGTUTUBO

### Agdadamo a Tao

Ni Matthew Okabe

**M**arigatanak a makarikna a pasetak ti ward. Kaak-akarmi la unay iti pamiliak iti sabali a pagilian. Addaan iti dakkel a grupo dagiti agtutubo ti ward nga immakaranmi, ngem daytoy ti umuna a gundaway nga agbalinak nga “agdadamo a tao.” Ti pagdaksanna ket masapul a sumrekak iti baro a pagadalan, ket immabay a dagus daytoy iti panunotko, “Asinonto ngata ti kagiddanko a mangan iti pangngaldaw?” Nalabit a makakitaakto iti maysa a tao a taga simbaan, ngem diak kayat ti dumursok nga umasideg a makilanglang iti sango ti lamisaan iti pangngaldaw, aglalo ta diak ammo no kayatdak a kagiddan a mangan weno saan.

Ti umuna nga aldawko iti pagadalan ket kasla agpaut iti agnanayon. Iti kamaudiananna naguni ti kampana para iti pangngaldaw. Bayat ti naannad nga iseserrekko iti siled a panganan, nagkararagak iti Nailangitan nga Ama tapno tulongannak koma a makasarak iti maysa a tao nga am-ammok. Inlawlawko ti panagkitak no adda asino man a mabigbigko nga am-ammok. Awan uray maysa. Iti kasta napanak iti maysa a lamisaan iti adayo a suli ti panganan ket kinnanko ti pangngaldawko.

Idi agangay iti dayta nga aldaw kabayatan ti klasemi iti Matematika, nailasinko ti maysa nga am-ammok. Nakitakon ni David iti seminary iti dayta nga agsapa. Kiniddawna a kitaek ti iskediuiko ket natakuaat nga agpadakami iti oras a mangan iti pangngaldaw. “Hoy, ayanmo kadi itay oras ti pangngaldaw?” kinunana.

“Nanganak iti adayo a suli ti panganan,” insungbatko.

“Ala ngarud, inton bigat umaykanto ket aggidanta a mangan iti pangngaldaw,” kinunana.

Agyamanak iti managayat a Nailangitan nga Ama, a makaammo iti tunggal kasapulantayo ken sungbatanna ti tunggal maysa kadagiti kararagtayo. Agyamanak pay iti maysa a tao a natallugod a nangidiaya iti imana tapno makigayyem. Gagangay laeng nga awis ngem makaaramid iti napateg unay a banag.

### Ni Jesucristo, Perpekto a Gayyemtayo

**K**inuna ni Presidente Eyring a ni Jesus ti perpekto a gayyemtayo. Dagitoy ti sumagmamano a wagas a pangipakitaan ni Jesus ti perpekto nga ayatna para kadatayo.

Tarigagayanna no ania ti kasayaatan para kadatayo.

Naragsak Isuna no naragsaktayo.

Mariknana ti ladingit no naliday wenno nasaktantayo.

Nagsagaba Isuna para kadagiti basbasoltayo tapno makasublityo iti Nailangitan nga Ama.

### Panagbalin a maysa a Gayyem para ken ni Jesus

Kinuna ni Presidente Eyring a makapagbalintayo a gayyem ni Jesus babaen ti panagbalintayo a gayyem kadagiti dadduma para Kenkuana. Mangidrowing iti ladawan dagitoy uppat a wagas a pakapagbalinam a maysa a gayyem.

Mabalinmo a tulongan ti maysa a tao a naliday.

Mabalinmo ti agbalin a maysa a gayyem ti maysa a tao a naladingit.

Mabalinmo nga awisen ti maysa a tao nga umay iti simbaan.

Mabalinmo a kanayon a laglagipen ni Jesus.



## Panangpapigsa kadagiti Pamilia ken Pagtaengan

*Adalenyoy daytoy a material, ken no maitutop, paglilinnawaganyo kadagiti kakabsat a babbai a sarungkaranyo. Usarenyo dagiti saludsod a pangtulong kadakayo a mangpapigsa kadagiti kakabsat a babbai ken mangaramid iti Relief Society kas naregta a paset ti bukodyo a panagbiag.*

### **Manipud kadagiti Nasantuan a**

**Kasuratan:** Genesis 18:19; Mosiah 4:15; DkK 93:40; Moises 6:55–58

### **Panangpapigsa iti Tunggal Gundaway**

“Tunggal maysa kadatayo ket saan nga agpapada ti kasasaadtayo iti pamilia. Adda dagiti pamilia nga addaan iti maysa nga ina ken ama nga addaan kadagiti anak iti pagtaengan. Adda dagiti agassawa a saanen a maaddaan kadagiti anak iti pagtaengan. Adu a miembro ti Simbaan ti saan pay a naasawaan, ket adda dagiti awan asawana a nagannak. Adda dagiti balo a babai wenno balo a lalaki nga agbibiyag nga agmaymaysa.

“Ania man ti kasasaad ti pamilyatayo, makapagbibinnadang ti tunggal maysa kadatayo tapno mapapigsatayo dagiti bukodyo a pamilia wenno makapagtitinnulongtayo iti panangpapigsa kadagiti dadduma pay.

“[Naminsan] a nakidagusak iti pagtaengan ti kaanakak a babai ken ti pamilyana. Iti dayta a rabii sakbay a naturog dagiti ubbing,

nangangaykami iti ababa a family home evening ken nagsalaysay iti estoria iti nasantuan a kasuratan. Sinarita ti amada maipapan iti pamilia ni Lehi ken no kasano nga insurona dagiti annakna a masapul a kumpetda a nasayaat iti landok a pagkaptan [iron rod], a daytoy ti balikas ti Dios. Ti ikakapetda iti landok a pagkaptan [iron rod] ket mangpatalged kadakuada ken mangiturong kadakuada iti rag-o ken ragsak. No umibbetda iti landok a pagkaptan, adda peggad a malmesda iti narugit a danum ti karayan.

“Tapno maipakita daytoy kadagiti ubbing, ti ina ti nagbalin a ‘landok a pagkaptan’ [iron rod] a nasken a kaptenda, ken ti ama ti nagakem a sairo, a mangpadpadas a mangguyguyod kadagiti ubbing a mangyadayo manipud iti talged ken ragsak. Nagustuan dagiti ubbing ti estoria ket nasursuroda no kasano ti kapatag ti kumpet a naimbag iti landok a pagkaptan. Kalpasan ti panna-kaisarita ti nasantuan a kasuratan, orasen para iti kararag ti pamilia. . . .

“Dagiti nasantuan a kasuratan, family home evening, ken kararag

ti sangapamilya ket mangpapigsa kadagiti pamilia. Masapul nga alaentayo ti tunggal gundaway a mangpapigsa kadagiti pamilia ken agtitinnulongtayo tapno makapagtalinaedtayo iti umno a dalan.”<sup>1</sup>

**Barbara Thompson, maikadua mamagbaga iti sapsap a panguluhen ti Relief Society.**

### **Manipud iti Pakasaritaantayo**

Manipud idi rugina addaanen ti Relief Society iti pagrebbengan a mangpapigsa kadagiti pamilia ken pagtaengan. Insuro ni Propeta Joseph dagiti kakabsat a babbai iti umuna a miting ti Relief Society, “No agawidkayo, saanyo a pagsaw-saw-an iti dakes wenno narusanger a balikas dagiti assawayo, ngem ketdi, padur-asenyo ti kinasayaat, kinaasi, ken ayat a kas paset dagiti aramidyoy manipud itan.”<sup>2</sup>

Idi 1914 imbaga ni Presidente Joseph F. Smith kadagiti kakabsat a babbai ti Relief Society, “No adda man kinaignorante wenno agkurang ti pannakaawat maipanggep iti pamilia, . . . sidadaan daytoy a timpuyog wenno nakasagana latta,

ken babaen kadagiti gagangay a talugading wenno pammaregta a naggapu iti timpuyog nakasagan-ada ken sidadaanda a mangted iti annuroten wenno pangiturong a maibatay kadagiti napapateg a pagrebbengan.”<sup>3</sup>

**DAGITI NAGADAWAN**

1. Barbara Thompson, “His Arm Is Sufficient,” *Liahona*, Mayo 2009, 84.
2. *Teachings of Presidents of the Church: Joseph Smith* (2007), 482.
3. *Teachings of Presidents of the Church: Joseph F. Smith* (1998), 186.

© 2010 ti Intellectual Reserve, Inc.  
Nailatang amin a karbengan. Naimaldit iti  
EUA. Pannakaanamongna iti Ingles: 6/09.  
Pannakaanamongna a maipatarus: 6/09.  
Pannakaipatarus ti *Visiting Teaching Message*,  
July 2010. Ilokano. 09367 864

***Ania ti Maaramidtayo?***

**1.** Ania dagiti kapanunotan para iti pannakapapigsa dagiti familia ken pagtaengan a maib-inglayyo kadagiti kakabsaty a babbai? Bayat ti panangutobyo kadagiti kasasaaad ti tunggal tao, ti Espiritu ket mangisang-bay kadagiti kapanunotan iti isipyo.

**2.** Ania dagiti prayoridad a bal-baliwam itoy a bulan tapno ad-adda a mapapigsam ti bukodmo a familia ken pagtaengam?

Para iti ad-adu pay a pannakaammo, inkayo iti [www.reliefsociety.lds.org](http://www.reliefsociety.lds.org).